

福建通志

第叁拾肆冊
藝文志

K295.7

1

福建藝文志卷一十七

史部十一

地理類一 總志

皇朝方域志二百卷建安王希先著直隸書錄解題云凡前朝謂之譜十六譜爲八十卷本朝謂之志爲一百二十卷譜敘當時事實而注以今之郡縣志述今日疆理而繫於古之州國古今案考譜志互見地理學之詳明者無以過此矣嘉熙二年上於朝得永免文解其父珪已未進士試詞科不中頗該洽希先述其遺稿以成此書道光通志云陳氏作東陽人馬氏通考引之並同然其父珪本建安人

方輿勝覽七十卷建陽祝穆著四庫全書總目云穆字和甫宰執程元鳳蔡杭錄所著書以進除迪功郎爲興化軍涵江書院山長是書前有嘉熙己亥己午序蓋成於理宗時所記分十七路各係所屬府州軍於下而以行在所臨安府爲首蓋所述者惟兩浙疆域而已書中體例大抵

於建置沿革疆域道里田賦戶口關塞險要他志乘所詳者皆在所略
惟於名勝古蹟多所臚列而詩賦序記所載獨備蓋爲登臨題咏而設
不爲考證而設名爲地記實則類書也然採摭頗富雖無裨於掌故而
有益於文章摘藻挾華恆所引用故自宋元以來操觚家不廢其書焉
考葉盛水東日記稱元絳閔忠詩石刻在康州方輿勝覽乃載在封州
又誤以爲魏砮作亦謫數字幸眞蹟石刻尙存三洲巖中則小小舛錯
亦所不免要不害其大致之詳贍爾天祿琳瑯書目云祝洙跋稱先君
子方輿勝覽行于世者二十餘年版老字漫遺工新之重整凡例分爲
七十卷又云元本拾遺各入本州之下新增五百餘條並標出是此書
不盡爲祝穆之舊矣編次首浙西訖利州凡十七路每州郡分標事要
二十門洙實祐中進士景定閒爲涵江書院山長郡守徐直諫薦其趨
向不凡學問有本呂午序云卷首標出郡名風俗形勝土產山川學館
堂院樓閣亭榭井泉館驛橋梁佛寺道觀古蹟名宦人物題詠凡二十

門每段標題則以大字列於兩行之中各州風物見於古今詩歌記序之佳者率全篇登入其事實有可拈出者則纂輯爲儷語附於各州之末儀顧堂題跋云其書首序建置沿革次爲事要以白質黑文別之事要之中分各類以黑質白文別之王象之輿地紀勝亦成于理宗時與穆同時不相謀而相似象之繁而和父簡象之意在備作詩之用故所采詩幾倍于和父此則意在備四六之用故所採四六倍于象之

以上宋

志略十六卷懷安廖世昭著四庫全書總目云世昭正德丁丑進士官國子監博士是書首題南京兵部武庫司刊行蓋當時官本前載周禮職方氏九州全文其後每省爲一圖而終以四裔各略載其沿革山川人物古蹟土產舛訛缺略殊無可觀其四裔一卷傳聞附會尤多失真大明輿地圖六十卷甌寧李默著傳維鱗明書云隆慶二年重修案于頤堂書目有天下輿圖一卷

輿地名勝志一百九十三

四庫存目作八

卷侯官曹學佺著晦明軒云石倉以

博洽聞一時其藏書亦最富此輿地名勝志前有自序自道其著此書原委閱十年而後成其採摭郡縣方志甚備且多祕文墜冊自提要有頗無倫次時亦舛訛不著出典之謂附於存目中其聲稱遂微自全謝山趙一清校水經注孫淵如纂續古文苑多所取資好古者始稍稍重之余謂他不具論卽其將水經注分縣割隸此非熟於古今沿革心有識別者而能之乎唯其著書之意不在沿革古蹟而在於名勝名勝爲古所無者不得不取近代方志故不著所出意欲成一家言然其引唐以前古書又未嘗不載出典也平心論之上擬元和郡縣志太平寰宇記誠不足以視祝穆方輿勝覽王象之輿地紀勝則爲簡而要矣全謝山謂其引水經注與今本多異又有出於今本之外者遂疑石倉所見水經注有出於樂永言之前者此則不然良由石倉用力於地學甚久於水經注必別有校本其附入此書未暇著明其說至於水經注逸文則必得之古方志而亦未嘗所出此則不能不爲石倉憾耳石遺室書

錄云明史藝文志作一統名勝志九十六卷

方輿互考四十卷補遺一卷同安盧若騰著道光通志云續通志互考譌作圖考四十卷譌作十一卷是書爲若騰手鈔其有增入者率以片紙黏連歲久脫落其孫勛吾爲重鈔又隨記二冊乃若騰成書之後泛覽所及錄存以俟再增者勛吾依原門類分爲補遺一卷案若騰字閑之崇禎庚辰進士唐王時官至兵部尙書

天文地輿圖大田蕭一槐著案道光通志一槐崇禎閒貢生而選舉志崇禎貢生有蕭一新而一槐未見

以上明

坤輿全覽簡便建寧廖光斗著閒居偶錄云予邑廖光斗字文垣年七十三尙探十三省名山勝境歷朝名人詩詞集成一編名曰坤輿全覽簡便足資遠游攜玩

以上清

福建藝文志卷二十八

史部十一

地理類二 都會郡縣一

閩中記十卷閩縣林謂著直齋書錄解題云慶曆中有林世程者重修其兄世矩作序謂郡人養高不仕當大中時世程亦郡人也其言永嘉之亂中原仕族林黃陳鄭四姓先入閩可以證閩人皆稱光州固始之妄閩書云謂善屬文搜掇異聞作閩中記十卷

以上唐

漳州圖經漳浦吳與著自序云唐垂拱二年陳元光平潮州寇奏置州縣勅割福州西南地置漳州初在漳浦水北因水爲名尋以地多瘴癘吏民苦之乞遷他所開元四年勅移就李澳川置郡遂廢綬安縣地自初置州隸福州都督府開元二十二年勅割隸廣州二十八年勅復隸福州州本二縣一曰漳浦卽州治也二曰懷恩二十九年勅以戶口逃亡廢之併入漳浦又割泉州龍溪縣隸本州大曆十一年福建觀察使皇

甫政奏割汀州龍巖縣來屬十二年勅從天寶元年改爲漳浦郡乾元元年復爲漳州興元二年刺史柳少安請徙治龍溪福建觀察使盧杞錄奏貞元元年勅從之遂以龍溪城爲州定管龍溪漳浦龍巖三縣案與字可權元豐五年進士官廣南東路提點刑獄自序言沿革年分與元和志新唐書多不合其敘乾元元年於大曆十二年之後其最謬者也以大曆十一年爲十二年乾元二年爲興元二年皆誤

長樂圖經長樂林通著袁正規序云長樂在十二邑中地非沃壤魚鹽之利歲上於公家者居諸邑最其餘文物之盛山川之美閩記闕然正規乃屬邑人林通博採其事爲之圖經或有未完以待好事者補之可也元祐三年案通元祐間鄉薦

玉融志福清林亦之著林栗序云是書本名福清圖經以邑有玉融峰遂稱玉融志

延平志十卷劍浦廖拱廖挺同著直齋書錄解題云郡守新安胡舜舉汝

士與郡人廖拱廖挺哀集時紹興庚辰也序言與盱江志並行蓋其爲
建昌守亦嘗修圖志云案拱紹興二年進士挺紹興二十一年進士
淳熙漳郡志莆田李綸翁亢福州許楫等同著綸序云我判院趙公綱來
式是邦大率先撫字尊校庠務使天子德意條暢乎山谷川澤一無底
滯而後已夫以漳土紀漳俗極所美而無隱恐後人莫之信或有遠來
之賢能習漳俗者得二二人以秉筆雖大書深刻後世必無敢議者綸
退而徧尋諸郡縣學得二人焉曰莆陽翁亢三山許楫遂以淳熙五年
秋成書道光通志云宋李綸有三一邵武李綸爲綱之第一晉江李綸
爲邵之子官提舉廣東常平一莆田李綸紹興三十年進士官漳州教
授以時地論之此蓋莆田李綸也

南安志二十卷補遺一卷莆田方崧卿許開同著直齋書錄解題云太守
方崧卿教授許開案宋史藝文志但著許開且無補遺一卷崧卿字季
申隆興元年進士官至京西轉運判官開邑貫未詳

靜江府圖志十一卷仙遊蔡撰著郡齋讀書後志云右嘉泰癸亥卽蔡撰修以高宗皇帝除太傅靜江奉寧軍節度使桂州牧兼鄭州牧制詞列簡編端案數字定夫乾道二年進士官至寶謨閣直學士

建安志二十四卷續志一卷建安林光等著直齋書錄解題云刪定官郡人林光撰慶元四年郡守永嘉張叔椿俾僚屬成之續志嘉定十二年府學士人所錄案光字子輝乾道二年進士。

廣陵志十二卷福州鄭少魏會稽姚一謙同編直齋書錄解題云教授三山鄭少魏江都尉會稽姚一謙撰紹熙元年太守鄭興裔案少魏乾道八年進士籍懷安

嘉禾縣圖經建陽劉淮著後村大全集有序云雙溪建嚴邑山明水秀茶笋妙天下南渡名公鉅儒接踵奮興文物大備曩余爲宰於斯得劉溪翁圖經手稿甚詳密後見建安新志多採于溪翁溪翁名某字叔通案嘉禾卽建陽後村曾宰焉

岳陽志二卷建安馬子嚴永嘉張聲道著直齋書錄解題云甲集建安馬子嚴莊父乙集永嘉張聲道聲之所修皆郡守也案子嚴號古洲淳熙二年進士

姑孰志五卷長樂林桷編直齋書錄解題云教授長樂林桷子長撰太守楊愿原仲也寔淳熙五年

淳熙三山志四十二卷晉江梁克家著自序云予領郡暇日訪無諸以來遺蹟故俗聞晉太康既置郡之一百十三年太守陶夔始有撰記又四百五十六年至唐郡人林諝復增爲之皆散逸無存獨最後一百九十二年慶曆郡人林世程所作傳於世迄今又一百三十九年興廢增改率非其故闕不書者十九矣乃約諸里居與仕於此者纂集討尋斷簡援據公牘採諸長老所傳得諸閭里所記上窮千載創建之始中閱累朝因革之由而益之以今日之所聞見凡分九門一地理二公廨三版籍四財賦五兵防六秩官七人物八寺觀九土俗四庫全書總目云克

家字叔子紹興三十年廷試第一累官右丞相封儀國公卒謚文靖曝書亭集有跋議其附山川於寺觀未免失倫今觀其人物惟收科第士俗時出謠識亦皆於義未安然其志主於記錄掌故而不在誇耀鄉賢侈陳名勝固亦核實之道自成志乘之一體未可以常例繩也其所紀十國之事多有史籍所遺者亦足資考證視後來何喬遠閩書之類門目猥雜徒溷耳目者其相去遠矣浙江採輯遺書云所載自無諸以來及晉建康始置郡下迄宋代潛邱劄記云建置沿革斷自周職方之有七閩始不上繫禹貢潛學堂文集云宋史藝文志謂之長樂志其實一書也今本作四十二卷其第卅一第卅二兩卷進士題名乃淳祐中福州教授朱龜孫續入考目錄本附於第卅之後但云第卅中第卅下未嘗輒更舊志卷第後人析爲四十二者又非龜孫之舊矣志成於淳熙九年五月而知府題名增至嘉定十五年他卷間有闕入淳祐中事者皆後人隨時僞入也宋史本傳於乾道罷相以觀文殿大學士知建康

府之後卽云淳熙八年起知福州據志克家於淳熙六年三月以資政
殿大學士宣奉大夫知福州則傳稱八年者誤志又書八年五月復置
文殿學士此卽史所載趙雄奏欲令再任降旨乃知福州事是時克家
莅任已滿二年故有再任之旨因復其職名史誤以再任之年爲初任
之年則甫經到任不當云再任矣且克家於罷相時已除觀文殿大學
士越數年起知福州止帶資政殿大學士又二年始復觀文殿學士仍
無大字則知建康以後必有落職奉祠之事而傳皆闕之續筆精云中
有稱縣曰望曰繁者人多不解其義蓋唐制三千戶爲望二千戶爲繁
宋志因之耳鐵琴銅劍樓書曰云直齋謂其時陳止齋通判州事志多
出其手石遺室書錄云此書第三十一卷首朱繼孫小序云進士題名
前卷迄于淳熙丁未自紹熙庚戌至淳祐丁未凡二十六舉淳祐戊申
鄉帥可齋陳公命編釐爲一卷云云然淳祐十年寶祐元年寶祐四年
共三榜列在三十二卷者終未詳所由來四庫提要及向來著錄家皆

未議及且此書標題應並稱朱繼孫補始得有四十二卷也

高涼志七卷莆田劉棠著直齋書錄解題云教授莆田劉棠撰太守春陵義太初嘉泰壬戌任案廣東通志輿地紀勝作高州新圖經宋志有義太初高涼圖志七卷卽此書道光通志云宋劉棠有二其一龍巖人元祐進士官樞密院編修此則紹熙元年進士也

鄞江志八卷邵武李皋著直齋書錄解題云鄞江志郡守古靈陳昱日華俾昭武士人李皋爲之郡有鄞江溪故名案汀州水名鄞江故稱鄞江志道光通志乃不從直齋書錄而改稱汀州志不知何故

仙溪志十五卷惠安黃巖孫著後村大全集云吾郡三邑仙遊最鉅其山川之美戶口之眾前未有紀載者少府黃君始爲縣志釐十五卷君名巖孫字景傳溫陵人秩滿臺郡皆以才薦將去爲潮州郡文學巖孫自序云官長趙侯與泌俞邑士之請屬筆於巖孫遂撫之前聞質之故老叅之二蘇君國台琴龍黃君堯俞越半載而書成案藝風藏書續記作

四卷云傳鈔本題迪功郎興化軍仙遊縣尉黃巖孫編有自序及陳堯道劉克莊序書作於寶祐丁巳而進士題名及咸淳景炎後人次第增入非原本矣

和平志邵武上官著後村序云和平里在邵武縣南鄉里有危氏上官氏黃氏上官氏尤盛自景祐至嘉定三姓擢進士第者二十餘人入太學預薦者不絕起徒步至顯官因而傳子孫爲世家榜籍迭書衣冠襲起者不可以數計也然以科目官職世家定榮悴盛衰蓋近世俗人之論吾聞古之君子所謂沒而不朽者不在是也上官氏對策熙寧不附新法晚入元祐黨籍其子留守汴都不屈於敵而死二公所立如此近於天下之善士矣豈特足以重吾里哉

清湘志六卷德化林瀛著石遺室書錄云直齋書錄解題稱是書爲嘉泰二年郡守永嘉陳峴俾教授林瀛修八閩通志選舉表有慶元二年進士德化林瀛當即此人宋史藝文志以爲余元一作元一仙遊人第進

元
士先瀛十八年蓋同時之人必有一誤或同編而漏其一直齋書錄在
先姑從之

嘉定泉州志光澤李方子著道光通志云知泉州府事休寧程卓修方子
時爲觀察推官

秋浦新志十六卷福寧王伯大著直齋書錄解題云三山王伯大幼學以
前志缺陋重修時以庾節攝郡事端平丙申也道光通志云是編伯大
自序宋志有胡兆秋浦志八卷此稱新志蓋在胡書之後也案伯大號
留耕嘉定七年進士官端明殿學士叅知政事福寧自唐開元後皆屬
福州至元始升爲福寧州故伯大實今福寧人而或稱三山或稱福州
毘陵志十二卷福州鄒補之著直齋書錄解題云教授三山鄒補之

以上宋

武陽志邵武黃鎮成著道光通志云晉明帝太寧元年改邵武爲邵陽一
作武陽又案元史藝文志補但載陳士元志而不及是志上官祐序稱
有黃存齋陳陽谷二志元序稱旣得陳士元武陽志略又見存齋之後